

# Bedeitung des un-

gewöhnlichen gesichts so genennt ist ein Comet/

Welcher / nach dem abnemenden Vierthayl des  
Mons / am tag Ruperti / vnd daruor nit weyt  
vom Mon / im zaichen des Löwen / vnd  
darnach vil tag auch gesehen wor-  
den / Durch Maister Mathia  
Brotbeyhel von Rauff-  
bewren beschrieben.

M.D.XXXII.



## Mittag



Auffgang

Mitnacht

Vidergang

Astron.

572,5

Lucanus libro primo  
Ignota obscure viderunt sydera noctes  
Ardentemq; polum flammis, cœloq; uolantes  
Obliquas per inane faces, crinemq; timendi  
Syderis & terris minitantem regna Cometes.

1880 \* 1271

79 H

# Dem Erewürdigen Edlen vnd Hochgelerter

herren Leoni Leschen/ Doctor/ der Stifft Mossburg vñ  
Rsne Probst/ zu Greysingē Thümherz/ Entbeülich  
Mathias Brotbeyhel von Rauffbeyren/  
mein willige vnderthenigkeit.

**S**EWIRDIGER Edler hochgelerter Herr/ Als  
ewer eerwürd mir von wegē der bedeutung/zükünf-  
tiger wirckung des Cometen / der nach Mathes des  
zwelfspotten biß auffheit dato / all morgen erschinen / vnd  
von menigklich vor der Sonnen auffgang / biß inn drey stund  
gesehen/zugesprochen hatt / Also hab ich mich ernstlich beflis-  
sen/ alle ursach der erscheynung/seiner farb vnd wonung am  
himel oder in Elementen/fleyssig abgenommen vnd erwegen/  
Derhalb füge ich ewer eerwürd hierauff zuwissen/ Wan Gott  
der allmächtig durch vnser unsäuber leben / thün vnd lassen  
abnymp/ das wir mer vnd serer nach dem trachten/am may-  
sten nach dem verlangen / vnd ymmerlust vnd begirde zu  
vnzimlichen dingn haben / das vns durch sein göttlichs ha-  
ligs wort/ verbotten vnd abgeschlagen ist/ wan wir vns selbs  
vnd die vnsern/nach seinem götlichen willen zuleben richten/  
Alsdann so schickt er vnnus auf vächterlicher warning sollich  
gesichtlich bottē / sein götlichen zoren / das er den sündigen  
Creaturen die nach dem flaisch mütwillig leben/ feynd sey/an  
zuzaygen / das er vnnus rechtlich vnd billich straffen / vnd  
nichts anders dann vns/ vmb vnnser verdienst zalen wölle/  
Vnnd doch nit darumb/das wir vnnser leyb erwirgen/ verders-  
ben / oder jme ainicherlayschaden thün sollen / sonder allain  
seiner schalchait vnd müttwillen weren/vnd vns zu ainem  
büßfertige leben wendē/damit wir alwegin den gegenwärtige  
Gottes gaben vnd gütthaten/die künftige mögliche übel vnd  
vnradt/mit frumerfürtrachtung bedencken/vñ zu jme rüffen  
vñ schreien/sein gnad vns mitzutailen/vñ die mercfliche gew-  
liche straffen/vmb vnnser sünde willen fürgenommen/nachlass.

Vnd wann wir elende tödtliche menschen / hinsiran weiter in schalckheit / hoffart / vnlauterkait / geytzigkeit / vnd in allem schneden gwinn / mitt vnersetlichem wollust leben (das doch zu kainer vergangnen zeyt vnsers Christenlichen glaubens / inn gemayn die menschen als übel nye gelebt / noch bey den Christen übler gestanden ist) Alßdān wirt Got vngezweyflet sein fürgenommen zoren / vns das überflüssig sündig leben zuweren / verstrecken / vnd die vnauffhörliche lancwerende straffen vnd plagen / durch disen Cometten bedeüt / hienach beschrieben / samentlich über vns alle einfürn.

**P**tholomeus der fürtrefflichest schreyber / des vitayls der gestirn / sagt im andern büch quadripartit am ersten Capitel / dergleychen in der hunderste letste red / wie das alle ding in den Elementen begriffen / aufz zusamensigung der Planeten / Finsterniß Sonnen vnd Moon / erscheynung der Cometen / geregiert vnd gefürt werden / also das auf solcher vermisching vnd einfluß / Krieg / Pestilenz / Hunger / groß hitz / trückne / erseyhung der prunnen vnd wasser / groß gewesser / Erdbiden / gewaltig wind / ersteen vnd bewegen.

Dieweyl wir dann finden / das bey vnnseren vorelten auch Cometten (wie Halij im achten tayl am xlj. Capitel schreybt) vnd andere wunderbarliche selzame gesicht vnd erscheinungen in Elementen am himmel offt erschinen seind / vnd soliche erschrockliche erscheinungen / nye on grosse merckliche verenderung / durch heers krafft versammlung / der Rünigreich Fürstenthumb / Stett / Sect vnd gesatz zergehungen geraycht haben / gleycher weyß yetz bey vnnsern zeytten / offtmals drey Sonnen / mitt Circulen / ettlich Cometten vnd vngewöhnliche zaychen erschinen / vnd von vns mit innerlichem erschrecken gesehen / das ain yedtlich mensch wenigs verstands vnd geschicklichkeit / wol mit warheit sagen darff / das solliche wunderbarliche gesicht / nitt on sonderliche würckung verschlossen mügen.

A ii

So dan von wirklichait aller Coniunction in sonderhait/  
nach vil vngewitter der trübnüssen yetz die eingende jar über  
vns kommende verhandē seind/ vñ auf der Coniunction Satur-  
ni vnd Martis am neijnten tag Aprilis nächst verschinen/im  
xxiiij. grad der Zwilling bey dem Mon/jr gisst zū hauffbracht/  
also das sich diser Comett aus solcher vnd andern vrsachen  
erhept/vnd auch darvor der boshaftig aller haderey anhen-  
gig Mars/dem Jouegwaltig für sein aygne behausung ge-  
gert vnd trützlich entgegen gesetzt/sampt bedeutung diß er-  
schinen erschrockenlichen Cometten/volgt hernach.

Wie ich den Cometten von Michaelis bis auff heitt/alle  
morgen/vmb drey vier fünff v: bey hellem himel/im außgang  
der Sonnen selbs gesehen/vnd nach meinem klainen vermu-  
gen/schwaches verstandts abgenommen/so ist er vnder dem  
zaichen Leon in Elementen gestanden/vnd sich wunderbar-  
licher bewegung braucht/hin vnd wider/auff vnd ab/vnd  
den schwantz allweg von der Sonnen gestrecket/vnd nach  
maynung Leupoldi vñ Hali abenragel/so bedeutet er bald an-  
fahende krieg/vnd gross blütuergiessen/ gegen außgang der  
Sonnen/gross mächtiger Herren kriegs rüstung/von ainem  
Künigreych inn das ander/von ainem Land inn das ander/  
von einer Statt in die andern/vrsacht sein wunderbarliche  
bewegung. So dann der Leo die Türcken bezaychnet/vnd  
dem Saturno/der Türcken Patron entsezung seines gwalts  
zū nahet/so vitaylich auf diser hochloblichen kunst (doch an-  
dern vitayl vnuergriffen) das nach bey außgeendem jar/vnd  
ettliche jar darnach inn sonderhait die würfung des erschro-  
ckenlichen Cometten/über die Türkischen Orientische Land  
geen werd/die selben mitt heers macht durch zogen/zerstört/  
verhört/verprendt/vnd die Türcken grausamlich erwirgen  
vnd erschlagen vnd gefange nemmen/das sy Christii verlaug-  
nen vnd sein volck vnd gesetz verschmähen/wie zū den zeyten  
des Türkischen Kaysers Pazaiten/der liederlich gar nach  
das ganz Thraciam on Constantinopel vnd Peram/aber

Macedonia / Phociden / Gediam vñ andereland vnder sich  
bracht / auch ain Comett im Orientischen angel / wie der geset-  
hen ward / vñnd nitt lang darnach / wie Pontanus iiber das  
hundertest wort Ptholomei schreybt / das sich der Tamorlan<sup>9</sup>  
ain gewaltiger Klinig der Scithier vnd Parthier / mit zwelß  
hundert mal tausent man / gegen disem Türcischen Rayser  
erhüb / vnd syget ihm ab vil land / leüt vnd stett / vnd sieng den  
Türcischen Rayser Pazaiten / leget in an ain Ketten vndern  
tisch / gleych wie aim hund jme zuessen verordnet / vñnd wanit  
der Tamorlanus auss wolt reytten / brauchet er den Türci-  
schen Rayser für ain füsschemmel vñnd stock zu einer hilff  
auff sein pferd züsitten / Wie es weiter gangen sey / liss Pium  
Eneam inn seiner Europa am iij. Capitel des dritten büchs.  
Es wirdt durch den Poeten in beschreybung des todts Ray-  
sers Julij gemelt / das die Cometten allweg krieg bezaychnen  
seyen / offenlich / gemayn / oder haimlich vñ sonderlichen zanc<sup>8</sup>  
vnwill / hader oder entbörung / mit disen wortten.

Non alias cœlo ceciderunt plura sereno  
Fulgura, nec diri tocies arsere Comete.

Er bezaychnet auch grossen widerwillen / vnaingkait der  
Ratsfreynd / vnd andern gaystlichen vnd weltlichen stenden  
so samentlicher pflicht handlen müssen / das die selbigen we-  
nig frucht / durch jr widerwärtige gemüt pflanzen werden.

Er bringt auch mit anderer Planeten züsäll vnd hilff / Pe-  
stilenz / den todt der hohen personen / augen wee / frankhait  
der wolff / wüttigkeit der hundt / den hunger vñnd andere ge-  
haufften grausamen plagen / vnd das in sonderhait die wir-  
ckung des Cometten / über der Türcische Orientischen Land /  
Rom / Behem vñ andere Rüningreych / Fürstenthum / Stett /  
märckt / dörfser vñ flecke / dem Leo on alle mitel vnderworffen  
geen vñ erfüllt werden / aber doch solches gaysslen vñ straffen /  
vns gar nicht pflegen oder vsachen geben / von vnser bosshait

A iij

vnd elenden sündigen leben abzeweinden / darumb soll wir  
vnns nitt züfast erfröwen / dann diser Comett sich welzet  
rings weyß vmb vnd vmb / über vnns alle / Dann was von  
ainem yedtlichen bösen übel / das über die ernennten gegendt  
geen soll / über bleybt / das selbig alles vngeschmachs vnd saur  
werden wir bayd gaystlich vnd weltlich personen müssen ver-  
dewen / das schier kain hauf in vnsern Landen gesundē wirt /  
dem nitt dises erschrocken Cometten stramen / mitt vilfältiger  
betriebung darein geschinen / vnd wann es also etlich jar übel  
vnd komerlich geet / alsdan werden widerumb gütte ordnung  
gemacht / vnd die selbigen in bestendigem wesen gehalten / güs-  
te Oberkeit gesetzt / den billiche gehorsam gelayst wirdt / aber  
fähig wirt der / der solches erlebt.

Das hab ich ewer wirde zu eerent wöllen öffnen / mitte vno-  
derthenigem bitt / wöllet solliche klaine eer / von einer klainen  
ringen person nitt verschmähen / Dann ewer eer würden  
vnd den eweren / mitt aller meiner vermüglichait  
zu dienen / bin ich geflyssen / vnd zu uolbringen  
berayt / Datum Freysingen / Als man  
zalt fünffzehn hundert vnd im  
zway vnd dreyssigsten jar /  
am vierzehenden tag  
des Weinmonats



